



KOMUNIKADO PA PRENSA

Fecha

26/01/2018

Kolaborado di Komunikashon

Noriza Gerard

Email

noriza.gerard@gobiernu.cw

ROP TA HASI UN YAMADA PA MANTENÉ I DRECHA EDIFISIONAN RIBA RUTA DI KARNAVAL

Willemstad – Minister Zita Jesus-Leito huntu ku Servisio pa Planifikashon Urbano (ROP) ta pidi tur doño/ habitante ku tin edifisionan riba ruta i den bisindario di e ruta di karnaval pa laga kontrolá i drecha kondishon di e edifisionan. Laga nos tur huntu gosa di un temporada dushi di Karnaval, ban traha drecha i mantené edifisionan ku ta den mal estado.

Desèmbre di aña 2017 representante nan di diferente servisio di Gobièrnu a hasi un inventario riba e ruta di karnaval, ROP a forma parti di e grupo aki. E grupo di inspeksion a detektá vários edifisio den mal estado.

Kriterionan pa determiná ora un edifisio ta den mal estado ta lo siguiente:

- Material di palu bieu ku no por garantisá su efektivitat i aporte na seguridat,
- Dak putri,
- Indikashon di humedat,
- Sker i erupshon di muraya i flur,
- Muraya di paden a kai den otro,
- Parti di e flur a sak,
- Awa ta pasa dor di muraya,
- Panchi di dak ta los,
- Muraya ku ta presentá instabilidat, kibra i òf habri for di otro,
- Het (goot) kibra, ku sker òf mata ku ta krese den nan.

Teps nan pa mantené i evitá ku edifisio nan ta bai den mal estado ta dor di:

- Limpia het (goot) i drecha skernan den het (goot),
- Kontrolá e dak si tin buraku, panchi òf otro partinan di dak los,
- Drecha skernan den muraya i pleister los na muraya,
- Buska pa sa dikun tin vògt den muraya i den plafòn i drecha esaki.

Den kaso ku ta deseá un konseho relashoná ku reparashon na e monumento protehá por tuma kontakto ku ofisina di ROP via e number di telefòn +5999433-3200. Por manda Whats app na number di telefòn +5999511-8582 òf por manda e-mail na info.rop@gobiernu.cw

